



21439

kat.komp.

III

Mag. St. Dr.

P

*Picrianowski Stanisł. Jos: Sacrae os aurum elo-  
quentiae, doctorali theologiae laurea  
aurea coronatum.*

PANEG. et VITAE

Polon. Fol.

№ 795.

Biblioteka Jagiellońska



stdr0002805

S A C R Æ

Os Aureum

E L O Q V E N T I Æ,

Doctorali Theologicæ laurus adorcâ

C O R O N A T V M,

D V M

Religiosus, & Adm. Rndus in Christo Pater

F. M A R I N V S

M R O S Z K O W S K I,

Ordinis Carmelitarum Sacræ Th. Magister, Conuentus Cracou:

in Arenis B. M. VIRGINIS,

Concionator Ordinarius, longeq; meritissimus,

IN ALMA VNIVERSITATE CRAC:

P E R

Clarissimum, & Amdum, Rdum Dominum,

M. N I C O L A V M

S V L I K O W S K I,

Sacræ Th. Doctorem, & Professore, Collegam Maiorem, Ec-

clesiæ Collegiæ S. FLORIANI Canonicum,

Cancellarium Siradiensem.

emerito in signi doctrina, præclarisq; virtutibus, Doctoratûs

In Sacra Theologia honore,

IN NOBILISSIMO MAGNORVM HOSPITVM CONCVRSSV,

& inter votiuos gratulantium applausus,

I N S I G N I R E T V R,

A M. STANISLAO IOZEPHO BIEZANOWSKI, Leopol:

Ph. Doctore, Coll. Min. Ordinario Poeseos Professore,

In argumentum propensissimi affectus, debito tot meritis, & virtutibus encomio

C E L E B R A T V M.

Anno Verbi Incarnati 1666. Die 12. Mensis Octobris.

C R A C O V I Æ,

Apud Heredes & Successores LVCAE KVPISZ, S.R.M. Typogr.

INSTEMMA  
SACRI ORDINIS CARMELITANI.



BIBLIOTH. UNIV.  
JAGELLONICAE

Ignea Carmeli suada est, vis ignea suadae,  
Vrere cor flammis, & penetrare potens.  
Stellarum placido, duodeni luminis, igne,  
Sinequeant mentes, ad meliora trahi;  
Armatam mucrone manum parat, instat, & vrget;  
Totaq; fit zelo flammea, tota calens.  
Incineres consumpta abeunt hispectora flammis;  
His tamen a flammis, posse perire, Salus.

21.439/III



# S A C R Æ

Os aureum

## E L O Q V E N T I Æ,

*Doctorali Theologicae laurus adora*

### C O R O N A T I V M:

Victricis animorum eloquentiæ,

coronas qui numerat, manubias computet.

Trophæa ubiq; habet, quæ non erigit; coronas meretur, quas non ambit;  
tum vel maximè coronata,

cum eam coronæ, cætulq; hominum triumphantem in rostris coronant.

Totus, quod inferarum spelæa, non deserit, debet illi orbis,  
ad mutua comertia, coronasq; vocatus.

Amphionum miracula,

motasq; ad cytharam, immobiles abruptarum rupium moles, frustra comminiscimur;

Non Thebas solum,

suavi concentu impulsa, ad coronam mænium, convenere saxa,  
sed quidquid vsquam, è saxea Deucalionis progenige, tractabile factum,  
nec dum planè in saxum obrigit;

humanitatis iura, vitæq; socialis coronam,  
eloquentiæ debet.

Animorum hæc Regina

quàm dignum coronâ caput, ad insignia virtutis extulerit;  
aureas eius catenas vide.

Darij quidem pretiosis compedibus,  
serule iniectum, captiuitatis opprobria non abstulit aurum.

Aureas eloquentiæ catenas,

Orbem aliquando gestasse, non puduit;

sæpius oportuit decuitq; ;

qui non alias liber, nisi sic captivus;

inter vincula sua, potens sui; impotens alias, dignusq; cōpedibus,  
nisi sic vinciretur.

cui sic vincere, vincireq; pronum; coronari non insolitum.

Meruit hoc Tibi, humanâ maior, diuinæ vis eloquentiæ,

Religiose, & Adm. Rñde Pater  
MARINE MROSZKOWSKI,  
SACRÆ Th. NeoDoctor Dignissime.  
Quæ cum Ioues ipsos Sceptra, cum Mercurio, ex armare potuerit:  
quid ni ad coronas Doctorales assurgat?

Huc eam,  
Regia virtutis viâ, aspirare semper voluit:  
qui vitæ Spiritum Tibi Asceticæ, sacer Helicæ Spiritus, inspirauit.

### Os Eloquentiæ Aureum,

mentis aureæ vestibulum prodit:  
quàm pretiosum sit, quod in Te pretium sui celat.

Aureum cortina Delphica, quem celabat tripodem,

oraculorum reuelauere pretia.

ex quo tripode loquatur,

quæ Diuinæ responsa Sapientiæ loquitur,  
mentem Tuam oracula eloquentiæ producit.

Crassus quidem ex aureis mille lateribus,  
Delphicis aram oraculis struxit:

oracula Tua, vt super aurum & topazion, pretiosa fierent;  
tota mysticæ aurifodina Sapientiæ, elaborauit.

Quid ni talia fierent?

quæ post Almæ Vniuersitatis Cracou: Studia,  
ocellus Europæ, Saturnia tellus,

inter auriculi, quæ seruat fragmenta,

tanto tempore formauit, effinxitq;:

vt planè inter Sarmatas, vix nasci posse crederem;  
in quo se Italia, tam natiuâ, genuinâq; ex ore peregrino miretur.

Tua hæc Sacræ eloquentiæ gloria,

cui in ea terrarum parte, triumphare licuit:

quæ orbem terrarum, duxerat olim in triumphum.

A cathedra quippe professionis Theologicæ,

cui VICENTIÆ, Vice REGENS Studij, cum laude præfueras;  
ad cathedrarum oracula progressus docuisti;

Promethei ignes, Sarmatica niuenon omnino extinctos, habere  
quibus ad Italiæ quoq; inflammanda pectora, caleant flammis.

### An verò frustra

tam amicum magnetis cum stella polari fædus?

Nimirum

Septentrionali quoq; plagæ, in est aliquid;  
quod Exterorum ingenia, sensuq; vi ad se occulta rapiat.

Attracti-

Attractiua hæc animorum vis,  
vel in Te solo suffecerat;  
qui è Sacris Orator Ecclesiasticus rostris,  
Nobilissimas Italiæ Urbium,

FLORENTIAM, VICENTIAM, VERONAM,  
PATAVIVM, VENETIAS, quin & remotiorem ALBANIAM,  
mirâ in medio Italiæ. AVSONIÆ Suadæ gratiâ,  
in obseruantiam, amoremq; Tui traxisti.

Florentiæ quoq; Consultor inquisitionis factus;  
Iudicia de Te omnium,  
tantâ Sapientissimi iudicij Tui æstimatione, confirmasti;  
vt planè dignus, fieres,  
quem Serenissima MEDICEORVM Domus,  
tanti fæceret, æstimaretq;

Magno Hetruriæ Duci,  
Dilecta nectarei oris Tui gratiâ;  
Sarmatiam, non ad Vsum tantum, sed ad delicias quoq; ingeniorum,  
pro fecisse ostendit.

Hoc equidem nomini Polono pulcherrimum;  
quod Hetruscum nectar suum, vel ipsa Hetruria,  
Sapidus in ore Tuo, dignumq; Principum conuictu libauerit  
Exijt tum, de comedente cibus; & de forti egressa est dulcedo;  
Dom Mauortius Sarmatiæ Populus,  
cultissimas olim gentium, in ore gladij comedens;  
ad eam dulcedinem, cultumq; peruenisse visus est;  
vt animorum cibum, fauosq;, ad vsq; Italiæ orexim,  
in ore Tuo præparauerit.

Sed ne bona sua,  
quæ in alienum, solum tam opimè fuderat,  
Sola ignoraret Patria:  
recepit tandem Nestorem, Cyneamq; suum;  
vt qui alibi Pergama, Urbiumq; infractas vires,  
incruentus victor expugnauerat;  
Domi quoq; Ilium suum restingueret.  
Ex destinatò sanè Alcides hic,  
contra Leones, monstraq; peregrina,  
in Patriam rediisse visus est;  
cùm maxime inualuissent.  
vt ostenderet, non de esse suum Poloniæ, igneū Heliæ gladium;  
qui renascentia Hydræ capita præscinderet, adureretq;.

Ierichontina certè hostilis potentiaè moenia;  
ad solas huius lampades, tubamq; oris eloquentissimi conciderunt,

Quin & Heliam suum imitatus,  
non vnum è Carmelo, Sacris eloquentiaè ignibus,

Quinquagenarium adussit, absumpsitq;  
Ita dum zelo zelat, pro Domino DE O exercituum;

Suada eius in Castris Regijs,  
Sagittas Domini contra Assur dimittens, castrorū acies ordinavit.

### Ad coronas ergo

obsidionales, ciuicas, triumphalesq;  
sine sanguine dum processit;  
à magno Regum, Principumq; sanguine,  
coronari clogijs, & inter oracula Poloniae recenseri meruit.  
Serenissimos Principes suos,

IOANNEM CASIMIRVM,

Et

LVDOVICAM MARIAM,

Secuta purpurati Senatūs, & ordinum Regni æstimatio;  
Romam quoq; ipsam,  
tanti nominis commendatione impleuit.

Aurea certè

Coriciniorum Ascia,

in eo, quod Tibi, Vir eloquentissime, struxerat,  
immortalis gloriae Septizonio;

Sacros aurei oris sudores,  
Fascia GEMBICIANA dum absterit, seruatq;  
uel sola suffecerat Tibi,

Illustriss. D. olim STEPHANI de Pilca

KORICINSKI,

Supremi Regni Cancellarij Theologo,  
Velut Mœonio quondam Vati, pretiosa Darij Arca;  
ex qua pretium Tui cognosceretur.

Ergone

Doctorales Tibi Theologia neget coronas?  
qui tot animorum victorias, ante laurum computas, legisq;

Trophea



Trophea Tua cathedræ sunt ;  
in quibus, cum tot triumphatarum mentium exuias deposueris,  
Laurus sola ad coronidem superest.

incellit toties coronata per TE,  
Diuorum elogijs CRACOVIA;  
coronatum nunc laureis; & in sapientiæ Regno,  
ad sapientiæ trabeam incedentem, veneretur.

Lætari super eloquia Tua, quibus licuit;  
liceat quoq; super expressa signo sanctitatis corona.  
Area laboris Tui, honoris quoq; theatrum sit;  
ijdemq; oculi, quos in Te defigi tantopere feceras,  
honoratæ virtutis TVÆ, & teltes sint, & spectatores.

Dulcé quoq; erit iisdem auribus ;  
quas aureis traxeras catenis, facundus Ecclesiastes;  
à Doctore quoq; ad sapientiæ arcana trahi:  
Labia Tua distilauerunt Myrrham primam;  
quidni Encomiorū ambrosiam, distilent Tibi labia aliena?

Emeritum quidem caput,  
coronariere sapius niuea Carmeli lilia:  
sed inter laborum spinas.  
Vallatum nunc lilijs, fulciatur floribus, stipeturq; ;  
vt in honoris aditu reflorescat.

Nimirum  
Flos illibatus populi, suadæq; medulla  
Cum sis;  
quidni perpetua in honore Tuo, Floralia transigas?  
Deficiebant Te aliquando perorantem horæ, diesq; ;  
solemq; , ne moueretur contra Gabaon, stare interdum cum Iosue voluisses;  
dum tenebras mentium fugas, petrasq; scindis.  
Dierum Te quoq; longæui non deficient soles;  
quibus luceas, etiam cum oriri desieris :

Venietq; ætas,  
quæ lucem Tuam nobis inuidens;  
soles ipsos, Sereniùs tum illuxisse censebit ;  
cùm Tu lampades Tuas, animarum Saluti præferens,  
Sacris Eliæ ignibus accendisti.  
Gustus eloquentiæ Tuæ, cùm nobis tam sapiat;  
Sapiet profectò posteritati tantò sapidius;  
quantò posterorum iudicia, puriora sunt;  
nihilq; ex insipido affectu admiscent.

## Sed quis

encomia Tua, vota; nostra ad numerum reuocet?

Suadam Tuam eloqui; suadæ non nisi Tuæ opus.

Vmbram lucis Tuæ metiri; palmæ non nisi Tuæ mensura.

Tu omnino Tibi ipsi,

Homerus, & Ilias; Nestor & panegyris; Phæbus & oraculum es;

cusus oracula vt nunquam deficient;

os, aureum, ad responsa Sapientiæ,

Doctoralis ambiat corona.

Sub hoc symbolo,

& rotundum illud suadæ Tuæ decus:

& sæculorum circumferetur, in coronam semper desinens,  
quæ nunquam desinit, Perpetuitas.

Hæc Te,

cùm è cathedrarum meritò sequetur;

oris aurei gratia insignis,

Viues in Carmelo MARIÆ perennis,

vel ipso nomine MARIANVS,

ad mare gratiarum

M A R I N V S.





